



Grunnskóli Hornafjarðar

**Valhefti fyrir smiðjur og val
í 9. bekk
veturinn 2018 - 2019**



Val í 9. bekk

Þetta valhefti er fyrir nemendur sem verða í 9. bekk næsta vetur. Eftir því sem nemendur eldast er lögð áhersla á að auka val í samræmi við þroska þeirra og getu. Þannig gefst nemendum kostur á að dýpka skilning sinn á ákveðnum viðfangsefnum um leið og þeir efla ábyrgð sína á eigin námi. Þeir og foreldrar þeirra eru því beðnir að kynna sér vel innihald bæklingssins.

Smiðjur

Nemendum í 9. og 10. bekk gefst færi á að vera í sex smiðjutímum á viku. Hver smiðja stendur í 8 – 9 vikur og komast nemendur því í fjórar smiðjur yfir veturinn. Í boði er heimilisfræði, leiklist, myndmennt, smíðar, textílmennt, tölvur og Fab-Lab. Hér verða talin upp viðfangsefni í öllum þessum greinum og eru nemendur beðnir að velja **fjögur viðfangsefni sem þeir merkja númer eitt, fjögur sem þeir merkja númer tvö og fjögur sem þeir merkja númer þrjú**. Reynt er að láta fyrsta val ganga upp hjá öllum en hugsanlega gengur það ekki upp og því er hitt til vara. Það er mikilvægt að nemendur ígrundi val sitt vel og séu reiðubúnir að fara í allt sem þeir velja. **Athugið það má velja sömu smiðjuna oftár en einu sinni.**

Heimilisfræði

Grænmeti og vegan

Í þessari smiðju lærum við að elda og baka án þess að notast við dýraafurðir.

Asísk matargerð

Kynnum okkur Asíska matargerð og eldum holla, góða og fljótlega rétti.

Haf og hagi (fiskur og kjöt)

Eldum fjölbreytta rétti úr kjöt og fisk en þó aðallega íslenskan góðan heimilismat.

Indversk matargerð

Kynnum okkur Indverska matargerð og eldum holla, góða og fljótlega rétti.

Leiklist

Leiklist – söngleikur – Árshátíð

Í leiklist í haust verður unnið að setja upp söngleik fyrir Árshátíð Grunnskóla Hornafjarðar. Hér er tækifæri til þess að kynnst þáttum leikhúsvinnunnar. Þessa smiðju geta þeir valið sem hafa áhuga á tæknivinnu, svo sem ljósum o.fl.

Frá handriti á svið

Sett verður upp leikrit þar sem nemendur fara í alla þætti leikhúsvinnunnar. Þessa smiðju geta þeir valið sem hafa áhuga á tæknivinnu í leikhúsi, svo sem ljósum ofl. Sett verður upp leikrit úr smiðju Þjóðleiks. Unnið verður eftir skóla síðustu þrjár vikurnar. Leikritið verður frumsýnt og sýndar nokkrar sýningar.

Trúðleikur

Nemendur finna trúðinn í sjálfum sér. Allir eiga sinn innri trúð. Þeir sem velja þessa smiðju fara í grunnatriðin í trúðleik. Þar er leikurinn háður nokkrum reglum sem nemendur læra. Síðan eru búin til atriði sem farið verður með á leikskólana og sýnd þar eða verða flutt í Sindrabæ.



Námsmat í leiklist

Kennari metur nemendur bæði sem einstaklinga og hluta af hópnum. Hann metur hvernig nemandinn hlustar á aðra hópa og hvernig hann sem áhorfandi metur hvernig til hefur tekist. Nemendur meta eigið framlag: eigið verkefni, sjálfa sig sem hluta af hópi og nemendahópar meta sameiginlega vinnuna innan hópsins. Flestar matsaðferðir í leiklist eiga við á öllum stigum grunnskólans. Í lok smiðjunnar fá nemendur skjal sem staðfestir frammistöðu þeirra í leiklistinni.

Myndlist

Leir

Leir og leirmótun er viðfangsefni smiðjunnar. Farið er í nokkrar grunnaðferðir við mótun leirs eins og plötuaðferðina, pulsuaðferðina og fleiri. Brennsluferlið skoðað. Unnið er með jarðleir og glerunga, undirliti og önnur yfirborðsefni. Nemendur

vinna bæði stýrð verkefni og frjáls. Flest verkefni eru handgerð en einnig er unnið á leirrennibekk.

Með leir er hægt að búa til margt skemmtilegt. Auðvelt er að búa til nytjahluti svo sem kertastjaka, skálar og fleira slíkt. Eins er hægt að gera flotta listmuni. Í leirsmiðju er hægt að láta sköpunargleðina fara á flug!

Margskonar myndlist

Þetta er tækifæri fyrir nemendur að fá að skapa sjálfir, vinna út frá eigin hugmyndum að myndverkum. Grunnþættir myndlistar eru hafðir í huga og nemendur fá útrás fyrir sköpunargleði sína. Unnið er með mismunandi miðla, s.s. málningu, blek, kol, blýant og fleira. Unnin eru bæði stýrð og frjáls verkefni.

Grafík, þrykk og fjölfelldi og pappírsgerð

Hér er farið í margskonar myndlistarvinnu en aðaláherslan er á þrykk og pappírsgerð. Í grafíkinni eru verkefnin margvísleg t.d. er skorið út í dúk og myndir þrykktar á þann hátt, einnig er farið í annars konar fjölfelldi, t.d. límþrykk, pappþrykk og einþrykk. Grunnþættir myndlistar fléttast eflaust í kennsluna svo og listasaga og stefnur og straumar í myndlist. Nemendur kynnast nýjum hlutum sem ekki hefur verið farið mikið í áður en aðaláherslan er á þrykk og grafíkaðferðir. Meðfram grafíkinni verður líka búinn til endurunninn pappír. Nemendur kynnast því sem þarf til að búa til pappír og fá að leika sér með að gera mismunandi pappír.

Mótun

Hér er unnið með mótunarefni á margan hátt og unnið að mismunandi verkefnum. Þetta eru efni eins og gifs, leir, pappamassi og spýtur.

Nemendur útfæra eigin hugmyndir með þeim efnum sem til þess eru fallin. Skoðaðar verða stytur, skúlptúrar og verk sem gefa innsýn í þennan hluta myndlistar.

Nemendur taka með sér heim það sem þeir hafa unnið.

Smíðar

Trésmíði

Almenn trésmíði þar sem nemendur fá ákveðin verkefni og fá líka að njóta sín í sköpunarhæfni sinni með því að hanna, teikna og smíða sína hluti sjálfir þar sem kennarinn mun leiðbeina þeim í hönnunarferlinum.

Trésmíði II



Farið verður í almenna trésmíði með það í huga að leyfa nemendum að hanna og teikna sína hluti sjálfir. Ýmis hugmyndahönnun fer fram og mun kennari leiðbeina þeim í hönnunarferlinum.

Málmsmíði

Þar verður farið í undirstöðuatriði í málmsmíði og verða unnin ýmis verkefni tengt því t.d skeið, kökuspaði, skartgripir s.s hálsmen, nælur og hringir.

Gamalt verður nýtt

Í þessari smíðju verður unnið að lagfæringum á gömlu handverki sem farið er að sjá á og gert sem nýtt.

Textílmennt

Prjón og útsaumur

Nemendur læra að prjóna eftir leiðbeiningum og uppskriftum. Hægt verður að gera t.d húfu, vettlinga, sokka, tösku eða hvað sem okkur dettur í hug. Einnig verður farið í útsaum þar sem ýmis útsaumsspor verða gerð. Miklir möguleikar í bæði prjóni og útsaumi og skemmtileg verkefni sem hægt er að prjóna eða sauma út handa sjálfum sér eða til gjafa.

Blönduð smíðja í textílmennt

Farið verður í ýmsar aðferðir textíla og gerð fjölbreytt verkefni. Nokkur skylduverkefni verða en einnig geta nemendur valið verkefni við sitt hæfi, þegar líður að jólum munum við huga að jólaskreytingum og jólagjöfum.

Hekl og saumur

Í þessari smíðju verður bæði heklað og saumað. Skylduverkefni verða í báðum aðferðum en einnig töluvert val. Hægt verður að sauma ýmis verkefni í saumavél eins og t.d. töskur, púða, dýr eða myndir.

Fatasaumur

Í þessari smíðju eru saumuð föt. Nemandi tekur mál af eigin líkama og skoðar stærðartöflur í saumablöðum. Hann tekur upp snið í réttri stærð og sníður úr viðeigandi efni. Nemandinn er hvattur til að setja persónulegan svip á verkefnið og lögð er áhersla á sjálfstæð og öguð vinnubrögð. Mögulega verður farið í verkefni utandyra þegar fer að vora.

Tölvur

Stuttmyndagerð 1

Mismunandi æfingar í stuttmyndagerð, kvikmyndun og kvikmyndatöku, leik og eftirvinnslu. Ýmis verkefni unnin, sbr. ljóðskreyting, green screen, hljóð og mynd aðskilin, mismunandi sjónarhorn myndavélar, kvikmynd endurgerð, stop-motion, heimildarmynd, handritsvinna, stuttmynd og myndvinnsla fyrir birtingu á youtube. Unnið verður með hljóðeftirvinnslu í forriti eins og Garageband.

Myndvinnsla og forritun. Námskeiðið er í tveimur hlutum. Í fyrri hluta námskeiðs er farið í grunnþætti stafrænnar myndvinnslu. Námskeiðið er ætlað þeim sem eru að stíga sín fyrstu skref í myndvinnslu með myndforrit eins og Gimp og/eða unnið með Photoshop. Í seinni hluta námskeiðsins læra nemendur grunnatriði leikjaforritunar, t.d. gegnum Sphero-kúlur, Scrats og Alice.

Stuttmyndagerð 2

Framhaldsnámskeið fyrir þá sem hafa verið í *Stuttmyndagerð*. Í námskeiðinu er áhersla lögð á fagleg vinnubrögð, sbr. handrit, söguramma (story-boarding), aðskilda upptöku á hljóði og mynd og farið í uppbyggingu lýsingar og unnið með mismundandi leikmuni og aukahluti sem tilheyra kvikmyndun (trakk og dolly). Námskeiðinu er ætlað að þjálfar nemendur í upptökum með mismunandi aðferðum. Unnið verður með hljóðeftirvinnslu í forriti eins og Garageband. Rýnt verður í hvernig hægt er að nýta snjalltæki-síma til þess að taka upp myndskleið og auka gæði upptökunnar.

Fab-Lab

Námskeiðið byggist á því að nemendur geti nýtt sér helstu tæki og áhöld sem notuð eru í Fab-Lab. Geti þróað hugmyndir sínar sjálfstætt og undir leiðsögn kennara og nýti sér vinnuferlið frá hugmynd til afurðar með því að hanna og teikna og að lokum framleiða sína eigin afurð. Ítarlegar verður farið í alla hluti og nemendur vinna stærri verkefni en í 7. og 8. bekk.



Valhópar í 8. – 10. bekk

Einn 60 mínútna tími í viku verður ætlaður í val næsta vetur þar sem nemendur í 7. – 10. bekk munu blandast saman. Valtímabilin verða fjögur, tvö fyrir áramót og tvö eftir áramót. Sumt val er þess eðlis að það nær yfir tvö tímabil eða jafnvel fjögur. Hver nemandi á að velja sér tvo hópa númer 1, tvo númer 2 og tvo númer 3. Reynt verður að koma öllum í fyrsta val en reynslan sýnir að það er ekki alltaf hægt og því er mikilvægt að nemendur séu sáttir við allt sem þeir velja sér.

1. Breakout - EDU

Breakout EDU er skemmtilegur leikur sem snýst um að brjótast inn í læsta kassa og leysa þrautir. Þessir þrautaleikir eru orðnir mjög vinsælir um allan heim í svokölluðum Escape herbergjum. Í þessu vali munum við spila leiki en líka það allra skemmtilegasta búa til nýjar þrautir fyrir aðra hópa að leysa.



2. Zumba

Heitasti danstíminn í dag þar sem stuð og dillandi stemmning er allsráðandi. Tími fyrir alla sem elska að dansa þar sem gleymir þér algjörlega í og þú lærir fullt af dönsum.

3. Kósýstundir í textílstofu

Í þessu vali verður farið í fjölbreytt verkefni og reynt að vinna með sem flestar aðferðir textíla. Þemað sem unnið verður með verður jólin og munum við búa til skreytingar sem tengjast þeim.



4. Holl matreiðsla

Matreiðsla er sívinsæl enda lífsnauðsynlegt fyrir alla að borða. Í þessum tímum er unnið með þau svið matreiðslunnar sem snúa að hollustu. Unnið verður með boozt og drykki og einnig hollara nammi.



5. Skólahreysti

Æft verður fyrir skólahreysti sem haldin er á Egilsstöðum árlega. Mikið þrek, armbeygjur, upphíingar, dýfur og hreystigrip.



6. Útivist



Nemendur fá að kynnst ýmskonar útivist og fjallamennsku. Nemendur kynnst áttavita, hvernig á að lesa úr kortum og hvernig skal bera sig að. Farið verður yfir búnað til útivistar og hvernig maður undirbýr sig fyrir útivistarferðir. Kennslan fer bæði fram inni í kennslustofu og úti. Að sjálfsögðu fylgja þessu ýmsar gönguferðir og því þurfa nemendur að vera klæddir í viðeigandi búnað þegar svo liggur við.

7. Íþróttaval



Í þessu vali verða hinar ýmsu íþróttagreinar teknar fyrir, fótbolti, handbolti, körfubolti, bandý, bandminton, blak og snjóboltastríð. Markmiðið er að allir taki vel á því og hafi gaman af.

8. Spilaval



Í valinu kynnumst við ýmskonar spilum sem spiluð eru í smærri og stærri hópum. Spil eins og vist, maríás, kasína, Hornafjarðarmanni, sagnamanni, kani o.m.fl. Allt spilað á venjuleg spil. Gömul spil sem við viljum ekki að gleymist.

9. Heimstyrjaldir

Valið fjallar um heimstyrjaldir í heiminum, farið verður í að skoða af hverju og hvers vegna var barist. Einnig skoðaðir nokkrir heimildarþættir um stríð og stríðsrekstur.

10. Heimavinna

Vantar þig aðstoð við heimanám? Langar þig að spjalla um heima og geima? Viltu reyna þig í stærðfræðispilum eða þrautum? Mælt er með því að þeir sem vilja fá ró og næði komi í þennan hóp. Þar verður nóg að gera en allt í rólegri kantinum.



11. Danska

Viltu auka færni þína í dönsku? Viltu fræðast um danska menningu og siði? Viltu horfa á spennandi og góðar danskar myndir? Komdu þá í dönskuval það verður bara gaman.





12. Fingrasetning

Hér er farið í að æfa rétta fingrasetningu, læra stöðu bókstafa á lyklaborðinu til að æfa og bæta innsláttarhraða sinn án þess að þurfa að horfa á lyklaborðið.

13. Námsækni

Markmiðið með námsækni er að nemendur kynnist hugsun, viðhorfum og námsvenjum sem rannsóknir og reynsla hafa sýnt að eru árangursríkar. Ef þú átt í erfiðleikum með heimanám, námsækni, skipulag, próftöku og prófkvíða eða önnur vandamál sem tengjast náminu þá gæti þetta verið valið fyrir þig. M.a. verður farið í:

- Að skoða og meta eigin námsaðferðir og námsvenjur
- Skipulagningu á námi og áætlanir
- Lestur
- Minnis- og glósutækni
- Ritgerðarsmíð
- Markmið og ábyrgð
- Vinnulag í einstökum námsgreinum
- Skipulagningu á prófundirbúningi og próftöku

14. Golf

Þetta val er fyrir þá sem vilja læra golf eða verða betri í golfi. Staða, grip, sveifla og fleira kennt og æft. Þetta val verður einungis kennt á fyrra tímabilinu og þeir sem velja það verða sjálfir að koma með golfsettið.



15. Jörðin 1 og 2.

Nú eru komnar út tvær mismunandi þáttaraðir sem David Attenborough stýrir, teknar með 20 ára millibili. Í þessu vali horfum við á valda þætti og berum saman hvað hefur breyst.

Umræður eftir sýningarnar og við reynum að finna, á hvaða leið jörðin er og ef með þarf, hvað sé til ráða?



16. Náttúran í kringum okkur

Stuttar göngur og náttúruskoðun í nágrenni skólans. Við skoðum ýmislegt merkilegt hér á Höfn bæði í lífríkinu og í jarðfræði staðarins.



Áherslan er á að læra að meta það stóra en taka ekki síður eftir hinu smáa í umhverfinu okkar. Ef veður og aðstæður leyfa förum við líka í styttri ferðir og þá gæti verið að tveir eða þrír tímar verði teknir saman og þá hugsanlega verði valið okkar búið fyrir.

17. Goð og garpar í norrænni goðafræði.

Í þessu vali lærum við um gömlu goðin í Ásatrúnni og fyrir hvað þau stóðu. Lesum saman sögur af þeim og þeim mönnum sem goðin höfðu ást á. Við skoðum líka samskiptatæki manna og ása → rúnirnar og nemendur fá að reyna sig við að læra að rita og spá með rúnum.



18. Náttúrulegar snyrtivörur

Langar þig að læra að búa til þínar eigin snyrtivörur? Það er bæði sparnaður og eins er það gott bæði fyrir líkamann og náttúruna. Það er ótrúlega marga sem hægt er að gera með efnum sem þú finnur í



eldhúsinu eða bara í matvörubúðinni.

Hugmyndin er að búa okkur til snyrtivörur eins og varasalva, krem, maska, þvottaefnieða eða baðsalt og prófa það síðan og meta hvernig til tekst. Þáttakendur fá uppskriftir sem auðvelt er að búa til og hver og einn getur gert heima hjá sér eftir að hafa prófað í

skólanum.

19. Kátakot

Finnst þér gaman að vera með börnum? Kanntu skemmtilega leiki, bæði inni og úti sem þú gætir kennt og farið í með yngri börnum? Í Kátakoti eru börn í 1.-4. bekk sem langar mikið að fara í leiki með eldri krökkum. Þetta val gæti verið á öðrum dögum en fimmtudögum og þá verið frá kl. 14:30-16:00 en þá fellur fimmtudagstíminn niður í staðinn. Ef þetta er eitthvað fyrir þig skaltu endilega skrá þig í þetta val.



Smiðjur

Hér á eftir verða talin upp viðfangsefni í smiðjum, alls 23 viðfangsefni. Hver nemandi er beðinn um að velja fjögur viðfangsefni sem hann á að merkja númer eitt, fjögur númer tvö og fjögur númer þrjú og dreifa því jafnt yfir árið.

Reynt er að láta fyrsta val ganga upp hjá öllum en oft gengur það ekki upp og því þarf að hafa hitt til vara. Því er mikilvægt að nemendur vandi valið og séu reiðubúnir að standa við það. Athugið, það má velja sömu greinina á öllum tímabilum t.d. smíðar ef áhuga er á því.

Fyrir áramót

1. Heimilisfræði

Grænmeti og vegan ()
Asísk matargerð ()

2. Leiklist

Söngleikur - árshátíð ()
Frá handriti á svið ()

3. Myndlist

Leir ()
Margs konar myndlist ()

4. Smíðar

Trésmíði ()
Trésmíði II ()

5. Textílmennt

Þrjón og útsaumur ()
Blönduð smíðja ()

6. Tölvur

Stuttmyndagerð 1 ()

7. Fab-Lab

()

Eftir áramót

Haf og hagi (fiskur og kjöt) ()
Indversk matargerð ()

Trúðleikur ()

Grafík, þrykk og ... ()

Mótun ()

Málmsmíði ()

Gamalt verður nýtt ()

Hekl og saumur ()

Fatasaumur ()

Myndvinnsla og forritun ()

Stuttmyndagerð 2 ()

Valblað

Nafn: _____

bekkur: _____

Valhópur

Nú átt þú að velja þér valhópa fram að jólum. Þú átt að velja fyrir tvö tímabil þannig að þú þarft að velja 1 tvisvar sinnum, 2 tvisvar og 3 tvisvar sinnum. Reynt er að koma sem flestum í 1. val en ef það tekst ekki þá er notað 2. eða 3. val.

Valhópur

Nú átt þú að velja þér valhópa fram að jólum. Þú átt að velja fyrir tvö tímabil þannig að þú þarft að velja 1 tvisvar sinnum, 2 tvisvar og 3 tvisvar sinnum. Reynt er að koma sem flestum í 1. val en ef það tekst ekki þá er notað 2. eða 3. val.

Breakout - EDU	()	Zumba	()
Kósýstundir í textíl	()	Holl matreiðsla	()
Skólahreysti	()	Útivist	()
Íþróttaval	()	Spilaval	()
Heimstyrjaldir	()	Heimavinna	()
Danska	()	Fingrasetning	()
Námstækni	()	Golf	()
Jörðin 1 og 2	()	Náttúran í kringum okkur	()
Goð og garpar í norrænni goðafræði	()	Náttúrulegar snyrtivörur	()
Kátakot	()		

Ath. Við skólasetningu verður þér gefinn kostur á að sjá í hvaða vali þú hefur lent. Ef þér þykir eitthvað athugavert við það mátt þú koma með foreldrum þínum og ræða breytingar. **Eftir það verður ekki hægt að breyta.**

Ef einhverjar spurningar vakna varðandi valið þá vinsamlegast hafið samband við Eygló.

Vinsamlegast skilið valblaði fyrir 16. maí 2018